



PERSEVERA



Un página di kurashámentu i guia spiritual pa miembran di Scouting Antiano

Sèptèmber 2015

Edishon 56 Aña 5

Hustisia ta bal pa tur hende



Defendé hustisia ta un ideal ku ta toka kurason di miónes di sernan humano. E difikultatnan ta kuminsá ora no tin klaridat riba kon defendé i den kua situashon tin ku intervení.

E mundu moderno, kontrolá for di medionan di komunikashon sosial, ta kustumbrá di fiha ophetivonan. Tin "bon" i tin "malu". Esnan bon ta defendé hustisia i ta atribuí e derecho pa hasié den kualquier momento i ku métodonan violento, si nan ta deseá esaki asina i ta konta ku armanan pa esaki. Esnan malu meresé ser kastigá, inkluso ku e asina yamá bòmnán inteligente.

E problema di e skema aki ta konsistí den ku esnan bon no semper ta asina bon i esnan malu no semper ta asina malu.

Ademas, tin otro bonnan ku ta karesé di posibilidatnan pa defendé otro (i pa defendé nan mes); i tin otro malunan ku ta kometé míles di krímen dilanti e indiferensia di medionan di komunikashon sosial i di gobièrnunán di algun país.



Ta p'esei ta sorprendé mira e hansha i energia di algun intervencion disciplinario dilanti sierto situashon, i e pasividat i indiferensia dilanti otro inhustisia ku tin bia ta provoká míles i míles di morto.

Laga nos pensa, dor di señalá un situashon kontradiktorio ku ta afektá hopi paisnan oksidental, den e hecho di aborto. Aborto no ta provoká morto di míles di sernan humano, yunan, promé di a nase? No ta un inhustisia enorme esta ku vários países a permití, inkluso ku sén público, esun ku e mortonan ei ta kombertí den algu legal?

Ta p'esei, frente esnan ku ta alsa banderanan di hustisia pa aplastá e

governantenan o nashonnan konsiderá peligroso i inhustu, tin ku puntra nan mes: tin algun derecho pa eksigí e derechonan humano pafó di nan frontera kende ta permití i inkluso promové morto di e inosente den su propio patria?

Hustisia ta bal pa tur hende. Nunka lo ta korekto usa un palabra asina balioso pa promové atakenan o represaya riba Estadonan konsiderá enemigu miéntras ta warda un silensio kómplise dilanti otro inhustisia riba esnan ku no a nase o riba esnan ku ya a nase "den kas".

E hustisia berdadero ta bai fondo i ta eksigí un kambio radikal den e leinan di kada pueblo i den e rekitonan ku tin ku respetá promé ku realisá un intervencion militar den algun lugá di e planeta. Lo no tin hustisia miéntras gobièrnunán ku ta respaldá asesinato di e inosente (manera ta sosodé den aborto) ta konsiderá nan mes árbitro firme di mundu.

Hustisia ta kuminsá den e propio hogar i for di un konosementu trankil i ophetivo di e situashonnan ei mas kompleho den kua un atake rápido por yega na kombertí su mes den fuente di malunan kasi infinito pa míles di inosente.

E armanan mester keda poné te na último lugá riba e lista di opshon, i únikamente rekurí na nan pa un kousa hustu i ora su uso no ta generá mas daño ku benefisio. Promé ku kuminsá un akshon armá tin ku analisá i proponé medidanan konkretu i pasífiko ku ta salbaguardiá e hustisia aki ku míles di inosente mester asina tantu, kuminsando ku esnan ku ta biba mas serka i ku mémos rekursu pa defendé nan mes: e yunan promé di nase.



La justicia se defiende con la razón y no con las armas. No se pierde nada con la paz y puede perderse todo con la guerra.

(Juan XXIII)